

radio scola



Cuntegn 371 Rueun: ier ed oz
 372 Ils amfibis indigens
 373 Dal clavazin a l'orchester
 374 L'aua

Juliana Tschuor
Rest Gieri Tschuor
Giusep Caduff
Men Steiner
Pina Augustin

3-87

radio scola

Organ uffizial
da la cumissiun da Radioscola CRR
(Cuminanza Rumantscha
da Radio e Televisiun)

Ediziun

Radio rumantsch, Cuira

Cumissiun da Radioscola

Gieri Caviezel, president e
represchentant dal radio,
7000 Cuira, tel. 081-22 95 66

Claudio Gustin, inspecter,
7531 Sta. Maria, tel. 082-8 53 05

Mario Jegher, scol. sec.,
7451 Tinizong, tel. 081-74 17 24

Augustin Manetsch, scol. sec.,
7180 Mustér, tel. 086-7 53 32

Romedi Reinalter, magister,
Chesa Cristolais, 7503 Samedan,
tel. 082-6 44 85

Georgina Schaller-Gabriel,
surmestra, 7431 Donat,
tel. 081-61 17 08

Olinda Tschalèr, scolasta,
7130 Glion, tel. 086-2 17 61

Cumissiun redacziunala

Gieri Caviezel, coordinatur e
responsabel per l'ediziun

Rico Falett, 7554 Sent, tel. 084-9 10 32

Mario Jegher, 7451 Tinizong,
tel. 081-74 17 24

Cristian Joos, post da programs,
7000 Cuira, tel. 081-22 95 66

Temp d'emissiun

9.00–9.30 sil 2. program GR
e radiotelefon 1
gievgia: emissiun
glindesdi: repetiziun

Abunament

6 carnets: 12. — frs.
Carnet singul: 2. — frs.

Empustaziuns a:
Radio rumantsch, Radioscola
Via dil teater 1, 7000 Cuira
telefon 081-22 95 66

Cuverta: Jacques Guidon

Tut las emissiuns dal Radio rumantsch
vegnan emessas sin il segund program (Radio DRS 2 e TR 1)

Survista da las emissiuns dal Radio rumantsch

09.00	glindesdi	mardi	mesemna	gievgia	venderdi	sonda	dumengia
	Radioscola			Radioscola			
10.00	Repetiziun			Repetiziun			
10.03							
	Allegra	Allegra	Allegra	Allegra	Allegra		
11.00							
	Allegra	Allegra	Allegra	Allegra	Allegra		
12.00							
12.15						Accents	
12.30							
13.00							Agri-cultura
						Artg	Unda Segunda
14.00							
13.55							
fin							
17.00							
17.03							
	Diari	Diari	Diari	Diari	Diari		
18.00							
18.20							
18.30							
19.00							
19.10						Raschlada	Vita e cretta
19.30							
20.00							
20.15							
			Scuntrada				
21.00							
			Battaporta				
22.00							

subregional regional
Novitads: subregional nazional

Emissiuns rumantschas da televisiun

Svizra rumantscha

La Svizra rumantscha
vegn emessa mintga
4. dumengia da las
18.00–18.45

Telesguard

Il Telesguard vegn
emess mintgamai la
sonda da las
17.25–17.40 e repeti la
dumengia da las
13.15–13.30

L'istorgia da bunanotg

L'istorgia da bunanotg
vegn emessa mintga-
mai il mardi da las
17.45–17.55 e la sonda
da las 17.40–17.50.

In pled sin via

Il Venderdi sontg,
l'Ascensiun, l'emprema
dumengia d'avust e a
Nadal.

Program d'emissiuns Radioscola avrel – matg – zercladur 1987

Pagina
2




02-04-87
06-04-87

Rueun: ier ed oz

da Juliana e Rest Gieri Tschuor

En emprema lingia vulein nus presentar il vitg da Rueun dad oz, denton ei quei pusseivel mo cun risguardar era il vargau. El decuors dil temps ei buca mo la fatscha dil vitg semidada, mobein era la moda e maniera da viver e cunquei la structura dalla populaziun. Entginas reminiscenzas, forse meins enconuschentas partenent la vischnaunca da Rueun, astgan a nossa vesta era buca muncar.



30-04-87
04-05-87

Ille amfibis indigens

da Giusep Caduff

14

Questa emissiun relata da nossas quater famiglias d'amfibis che vivan en nossas cuntradas. La veta spel puoz ei mintga primavera adina puspei sco in misteri. In grond pensum dalla scola eis ei oz da far attents ils scholars che quels animalets ein schurme-giai e che nus stuein proteger e segidar cun quellas creatiras. Il prighel che nos amfibis svaneschan tec a tec ei gronds. Ina tratga da raunas en scola ch'ei bein planisada sa evitar in grond maltractament dils animals, san ins gie aschia scumandar als scholars da tener ova ni sittolas a casa.

4 (156) 47 **C** Poco più animato

Kl. Fl.
Fl.
Ob.
Klar.
(B)
Fag.

14-05-87
18-05-87

Dal clavazin a l'orchester

da Men Steiner

25

Quist'emischiun ans maina aint il muond da la musica. La basa lapro ans dà ün sot ungarais da Johannes Brahms. La cumposiziun originala per clavazin a 4 mans vain sunada dad Ines Theus e Gertrud Suter-Bühler. L'orchester da Cuaira vain diret da Luzi Müller.

04-06-87
15-06-87

L'ava è igl sanc da nossa tera

da Pina Augustin

32

Partent da chels plets digl manader indian Seattle vignan igls scholars confrontos cun igl tema da l'ava e chegl dalla vart pitost emoziunala. L'impurtanza da l'ava per veiver ed igl problem digl tschuffargner chella paran dad esser pi actuals tgi mai. – Igl tema «ava» vign tratto an moda manc usitada – ma forse pi efficazia.



Previsiun carnet 4-87

settember

Miez miur e miez utschi

settember

Svuler sainza motor

october

Professiun

Rueun: ier ed oz

02-04-87, 9.00 emissiun

06-04-87, 9.00 repetiziun



La vischnaunca da Rueun tschinclada da bia pumera

Foto: Hans Rostetter

Miu vitg natal

Da loschas pezzas circumdaus,
da vent e suffel schurmegiaus,
stas ti amiez in fop tschentaus,
ti vitg natal, ton carezaus.

La veglia tuor sco monument
dad in bien gust ei mussament.
Als antenats in compliment
pigl edifics schi stupent!

E tiu contuorn privilegius
per il tscherscher, nugher rasau.
Perfin la vit han raccoltau
sin vegna, en il temps vargau.

Dai anim als partents affons,
ch'els tuornien en il vitg mintg'on.
Ti vitg natal, ti vitg carin
per mei naschienscha e destin.

Rest Gieri Tschuor

Situaziun geografica

Rueun schai 800 m s.m. agl ur dalla Foppa. Il vitg ei baghegiaus sin ina bova da crappa. Il num «Rueun» deriva perquei da «rova» che vul dir bova. El testament da Tello 765 vegn il vitg nummaus Ruane. El decuors dils proxims tschentaners tschintschav'ins da Ruano, Ruauns, Ruans, Ruwans e Ruwis. Il stradun cantunal sesanfla al pei dil vitg e meina encunter sera viers Mustêr ed encunter damaun viers Glion.

La communicaziun cun Glion ei entras viafier, auto da posta e vias lateralas per pedunzs, oreifra. Da Rueun meina ina biala via nova a Pigniu e da leu contonschan ils turists sur il Veptga – era nummaus pass Pigniu – Dialma en Glaruna. Dus eveniments han fatg pli enconuschents quei pass, numnadamein: 1621 ei Gieri Genatsch fugius sur il pass a Turitg. In da ses dus cumpogns, Signur de Toutsch, han purs ravgiai da Rueun sturniu. Gl'october 1799 ei il renomau general Suworow marschaus cun si'armada sul pass ed ha sblundergiau oravontut la vischnaunca da Pigniu e dustau lu la gronda fom a Rueun.



Rueun cun la gruppa da Signina

Historia dil vitg

Duront il temps da bronz era Rueun gia habitaus. Perdetgas dattan las restonzas d'in mir e 2 sigirs. Quellas ein deponidas el museum retic a Cuera.

El 14avel tschentaner han ils baruns da Razen surpriu il segneradi dil Munt s. Gieri e da Friberg cun ils vitgs da Vuorz, Andiastr, Rueun, Pigniu, Siat e Schlans. 1395 ein ils da Razen entrai ella Ligia Grischa. 1472 ha Jost Niklas da Zollern, in nevs dil davos da Razen, vendiu casti e segneradi dil Munt s. Gieri agl avat da Mustêr. Il medem onn ha el era vendiu Sursaissa. Entei fer la Ligia Grischa eran Vuorz, Andiastr, Schlans, Siat, Pigniu e Rueun in cumin. Ensemen cun las vischnauncas politicas da Sursaissa e Laax/Seewis ein ellas seconstituídas tier la dertgira aulta da Vuorz. Duront la reformaziun 1734 ei Vuorz sefatgs libers. Rueun, Andiastr, Siat, Schlans e Pigniu eran ussa in cumin per sesez. A caschun dalla nova repartiziun dil cantun 1851 ei Schlans vegnius integraus el cumin dalla Cadi. Il rest digl anteriur segneradi dil Munt s. Gieri e Sursaissa formeschan da cheu naven il cumin Rueun che consista dallas vischnauncas da Sursaissa, Vuorz, Andiastr, Pigniu, Siat e Rueun. *(Mira fegl da lavur!)*

Agricoltura

Sco gia menziunau schai Rueun sin in biet schurmegiau (pintga terrassa) agl ur dalla Foppa. Il clima migeivel, il terren fritgeivel e l'altezia dad 800 m s.m. ein bunas premissas per l'agricultura. Puma, nuschs, graun, terc e truffels, gie schizun iuas madiran stupent entuorn il vitg. Sco en auters loghens seconcen treschan ils purs silla tratga da biestga. Graun e truffels ein rars cheu tier nus. La pumera, ils tscherschers e nughers ein plitost isolai ed emblidai.

Ils 15 menaschis purils (6 mo parzialmein) tegnan ca. 350 tgaus biestga bovina e ca. 300 nuorsas.

Ina part dil funs-casa ei vegnida arrundada gia 1942/43. Ina megliuraziun totala ei strusch da spitgar, perquei che las bialas aclas encunter Pigniu e Siat ch'ein sper las vias cantunales ein da cuntonscher tgunschamein. Ina via carabla meina nus entochen l'alp da vacas cun tegia e stallas ch'ein en fetg bien stan. Ils purs da Rueun e Siat administreschan lur alps comunabla mein e pagan allas vischnauncas in tscheins adequat. Aschia san els alpegiar tut lur biestga ed aunc prender si biestgam jester.

Ulteriurs menaschis

La gronda part dalla populaziun lavura denton buca ell'agricultura. Biars anflan lur existenza el vitg. Rueun poseda differents menaschis: 2 fatschentas da baghegiar e transport, 2 scrinaris e lennaris, in resgiader, ina fatschenta d'installaziuns sanitaras e fravgia, 1 stagner ed 1 serrer-construc tur ed 1 banca.

Ina pasternaria ed il consum provedan ils habitonts cun las necessarias vidualias. In grond diember da vischinas e vischins, ils schinumnai pendularis serendan ordeifer alla lavur: a Glion, a Crap s. Gion, en fabrica a Domat e schizun a Cuera. Divers dimorants vegnan a casa mo sur dumengia. Enza tgei gudogn porta denton era il turissem. Nus vein 1 hotel, 5 ustrias ed 1 café e l'uniun da traffic che procura per in'emperneivla dimora als jasters.

Anteriurs menaschis

Divers mistregns e differentas occupa-ziuns da pli baul ein svanidas. Ils purs drovan buca pli vitger, nurser e vischander, caver e purtger.

Nies enconuscent calger ei morts gl'atun 1986. Il luvratori dil rudar «Toni Wagner» ei da cuort vegnius disfatgs per far plaz alla nova halla plurivalenta. El 19avel tschentaner possedeva Rueun oravontut sper igl ual da Valdun (oz era numnaus ual da s. Antoni) differents luvratoris e menaschis che sesurvevan dall'aua digl ual menaus tras vials e canals. Aschia vegneva il marti grond en fravgia, pella (skizza A) e fal-lun (foto B), il mulin (foto C) e las res-gias (foto D) messas en moviment. Oz ei tut svaniu. Sulettamein igl ual fa aunc leghers segliots sbuccond el giu-ven Rein.



Scola da Rueun



Halla polivalenta cun localitads per la scola reala, cuschina e local da zambergiar, canzlia communal e scoletta, tschalers per il schurmetg civil, local da pompiers e.a.v.

Cundiziuns da viver

Rueun ha 370 habitonts (1950 era ei aunc 511). Sco autras vischnauncas da muntogna ei la depopolaziun era per quei vitg in problem. Nus sperein denton che la populaziun creschi, pertgei las premissas ein fetg bunas. In niev plan da baghegiar duei mantener il bi fons, denton era promover industria e commerci cun fixar ina zona da baghegiar. Rueun ha fetg bunas comunica-ziuns da traffic cul vischinadi. Las vias

ein per gronda part catramadas (da teer) e la canalisaziun perscretta (la serenera Ara) per Rueun, Siat, Andiaist e Vuorz ei en funcziun. Plinavon vegnan las ovas electricas da Glion I e II ad esser per la vischnaunca ina buna fontauna da daners, aschia ch'il pei da taglia vegn beingleiti a vegnir sbas-saus. Tut ei fatg per segirar ina dimora cuntenteivla, favoreivla e cumadeivla.

Las scolas

Ils affons da tut ils scalems san visitar la scola el vitg.

Da present vein nus 2 scolas primaras, 1 scola secundara ed 1 scola reala.

La scola secundara vegn menada d'in consorzi dallas vischnauncas da Rueun, Pigniu, Siat ed Andiaist. A quei consorzi fa aunc part la vischnaunca da Vuorz per la scola reala.

Momentan vegn la halla polivalenta ere-gida e gia per igl onn niev da scola 1987/88 san las novas localitads vegnir duvradas. Quei baghetg correspunda ad in grond basegns.

Las minieras da fier

Denter 1800–1840 han ins cavau fier en plirs loghens a Rueun. Las mineralias vegnevan culadas giu sper il stradun principal. Aunc oz senumna il prau, nua che l'ustria Miraselva sesanfla, la Schmelza. Enten cavar fundament han ins anflau leu: crappa arsentada, cotg-la, tocca da fier luentada e mirs d'ina cularia. All'entschatta ha il cavar fier purtau empau daners alla vischnaunca. Pli tard ein quels da Rueun vegni mal-perina cullas societads ed ei ha dau process. Restau ei dil gudogn meins che nuot.

(fotos F+G e skizza H)

Casas veglias

La gronda part dallas casas ei da lenn. Enzacontas ein ornadas cun curnischs e tgaus da drags, autras cun quadrels entagliai ed ornaments artgai.

En egl crodan plinavon 3 grondas casas patrizianas da crap. Ils de Florins han baghegiu la «Casa alva» e la «Casa sper baselgia», ils «Fischers» la casa a Piadras. Members da quellas famiglias ein stai cauderschaders (Land-rechters) dalla Ligia Grischa.



Casa veglia da lenn cun curnischs e tgaus da drags.



Tuor-baselgia da Rueun





Punt veglia da lenn sur il Rein

Auters baghetgs impurtants


La baselgia parochiala, dedicata a s. Andriu, vegn gia numnada 831 egl urbar dils Carolings. Ella era baselgia da vallada. Ils cartents d'Andiast, Vuorz e Pigniu vegnevan a Rueun a messa. La biala tuor datescha dil 12avel tschentaner ed ei baghegiada el stil roman.

Sin territori da Rueun sesanflan 4 capluttas e 2 sontgets. In da quels ei vegnius eregius entuorn 1945 d'internai Polacs che han era baghegiu la «via da Pols» che meina a Glion ed a Tavanasa. Il sontget ei dedicaus a Nossadunna da Watovice, ch'ei malegiada el sontget. La via da Pols sesanfla da vart dretga dil Rein. Ina veglia punt da lenn curclada che meina sul Rein ei construïda entuorn 1846. Il tetg original da slondas ei vegnius remplazzaus entras in da stuors.





Il cumin da Rueun



1 _____


2 _____

3 _____

4 _____

5 _____

6 _____




1. Termosa
2. Tscharscha
3. Molas (mola fixa e currenta)
4. Trucca da frina
5. Roda da fis

6. Roda d'empals
7. Arver vertical
8. Arver horizontal
9. Roda d'aua
10. Canal


Indrezs muentai da rodas d'aua

A




Pella per manizzar minerals ellas minieras

B



Fallun da glin e coniv


C




Aschia vesevan ils mulins da pli baul ora

La resgia pli baul ed oz

D



E




Stabiliment niev da Martin Schnoz per resgiar lenna.

◀ Resgia veglia da Luis e Gion Schnoz che luvrava cun la forza dall'aua.


Las minieras

F




Caverna elaborada cun marti e tizun

G



Immens fol per cular giu il fier

H



Indrez d'ina cularia

Rueun

Situaziun geografica

Rueun schai 800 m s.m. agl ur dalla Foppa. Il vitg ei baghegiaus sin ina bova da crappa. Il num «Rueun» deriva perquei da «rova» che vul dir bova. Gia el testament da Tello 765 porta quella vischnaunca il num «Ruane». Sin il stradun cantunal che sesanfla al pei dil vitg cuntunsch'ins encunter sera Mustêr ed encunter damaun Glion.

Ord la historia

Gia durant il temps da bronz era Rueun habitau. Perdetga dattan las restonzas d'in mir e da duas sigurs. Quellas ein deponidas el museum Retic a Cuera. Politicamein appartegn Rueun oz al cumin da Rueun. Tier quei cumin s'audan plinavon las vischnauncas: Vuorz, Andiastr, Pigniu, Siat e Sursassa.

Agricoltura

Rueun posseda in clima fetg migeivel ed in terren fritgeivel. Ils 15 menaschis purils han oz ca. 350 tgaus biestga bovina e 300 nuorsas. Era puma, nuschs, graun, terc, truffels e schizun iuas semadiran stupent a Rueun. Graun e truffels semnan ils purs denton strusch pli.

Las minieras da fier

Denter 1800 e 1840 han ins cavau en plirs loghens a Rueun fier. Culadas vegnevan quellas mineralias sper il stradun principal. Aunc oz senumna il prau nua che la cularia sesanflava antruras, la «Schmelza».

Baghetgs impurtonts

La baselgia ei dedicata a s. Andriu. Pli baul surveva ella schizun sco baselgia da vallada. Ils cartents d'Andiastr, Vuorz e Pigniu vegnevan allura a Rueun a messa. La biala tuor ei baghegiada el stil roman. En egl crodan treis grondas casas da patrizians. Ellas ein vegnidas baghegiadas da cauderschaders (Landrechtters) dalla Ligia Grischa. La punt curclada sur il Rein ei construida entuorn 1846. Il tetg original da slondas ei vegnius remplazzaus entras in da stuors.

Menaschis

La gronda part dalla glieud lavura buca ella agricultura. Rueun posseda differents menaschis: 2 fatschentas da baghegiar e transport, 2 scrinaris e lennaris, 1 resgiader, 1 fatschenta d'installaziuns sanitaras e fravgia, 1 stagner, 1 serrer-constructur ed ina banca. Lu posseda Rueun aunc 1 pasternaria, 1 consum, 1 hotel, 5 ustrias ed 1 café.

El 19avel tschentaner possedeve Rueun aunc auters menaschis. Quels sesanflavan tuts sper igl ual da Valdun perquei che tut quels luvratoris duvravan l'aua da quei ual per far ir las maschinas da gliez temps. Aschia vegnevan il marti grond en fravgia, pella e fallun, il mulin da Dual e las differents resgias messas en moviment.




Las scolas

Rueun ha mo 370 habitonts. Tuttina san tut ils affons da tut ils scalems visitar la scola egl agen vitg. Pil mument vegn la halla polivalenta eregida.

Detga dil gat ner a Rueun (Glogn 1946)

In cau-ligia da Rueun veva adina miserias da survegnir fumegl. El veva in grond cuolm ed en quel leva negin star, perquei ch'ei vesevan spêrts. La finfinala ha in detg: El vegli far ina emprova. Gia l'emprema sera ch'el ei staus el cuolm eis ei vegniu in gat ner che leva traso sufflar o la cazzola. Mo il fumegl ha nuota temiu e traso catschau naven el. L'autra sera era il gat puspei cheu e quella ga aschi gagliards, ch'el ha vuliu trer cun la toppa per vegnir da stizzar la cazzola. Cura ch'il fumegl ha viu quei, ha el tratg cul cunti giu per la toppa, ch'in toc ei seglius sut baun en! Il gat dat in sgregn e svanescha sc'in fem. La damaun ha il fumegl anflau in det d'ina femna ed enconuschiu vida quel igl ani da sia patruna. Vegnius a casa cul latg, han ei detg ad el, che la patruna seigi enta letg malsaua; ella hagi tagliau giu in det ier-sera giun tschaler cun tagliar giu carn. Il fumegl ha ris e tertgau: Quella ei aunc pli fina ch'il vegli!

Tgei clamada han ils suandonts mistergners e tgei lavur fan els?

This image shows a full page of blank, lined paper. It features approximately 20 evenly spaced horizontal grey lines across its entire width, providing a guide for writing. The paper itself is a clean, off-white color. There are no margins, text, or other markings present on the page.



Handwriting practice lines consisting of 18 horizontal lines.

Ils amfibis indigens

30-04-87, 9.00 emissiun
04-05-87, 9.00 repetiziun

Ils amfibis indigens

Raunas e rustgs, quaterpiertgas e salamanders classifichien nus ella biologia tiels amfibis. Quels allura s'audan ensem en cullas classas dils animals lactonts, culs utschals, reptils e pèschs tier il tschep dils vertebraus (fegl 1).

Igl element principal ella veta dils amfibis ei l'aua, schegie ch'els beiban mai tala. Sco nus vegnin ad endriescher succeda la recepciun dall'aua numnadamein tras la pial. Plinavon passentan las quater famiglias d'amfibis che vegnan avon en nossas regiuns mo durent cuort temps lur veta en l'aua. (Salamander alpin insumma mai!) Denton ual quei cuort temps ei decisivs pertuccont l'existenza dils amfibis.

Pli e pli svaneschan ils puozs, ils dutgs vegnan canalisai e las palius drenadas. Loghens adattai per fregar svaneschan in suenter l'auter. Aschia duei questa emissiun buca mo contribuir fatgs scientifics dils amfibis, mobein svegliar tier ils educaturs ed affons plascher, interess e principalmein sentiment da responsabladad pil manteniment da nos amfibis e da lur territoris da viver.

Nus scolasts essan ensem cun nos scolars predestinai sco buc enzatgi auter da porscher agid a quels animalets. Nus stuein en emprema lingia svegliar tiels affons e geniturs la carezia viers quell'aua creatiras cun mussar las bellezias dalla natira. Quei fatg pretenda da nus empau engaschi persunal. Igl ei buca fatg mo cun in per fegls da lavur. Igl observar e perscrutar leu ora ella natira ei indispensabels. Vuler schurmegiar e promover ils territoris da viver da nos amfibis pretenda ch'ins

sappi nua che quels sesanlien e ch'ins viseti era quels. Cun agid dils scolars fuss ei guess era pusseivel da far en mintga vischnaunca ina carta cun indicaziuns pertuccont puozs, palius e sorts dils amfibis che vegnan avon sin agen territori. (Las graficas dil cantun grischun – tenor fegl da lavur 2 ein segiramein buca dil tut cumpletas.)

Il svilup digl iev agl animal savein nus observar negliu aschi bein e capeivel sco tiels amfibis. La gronda part dils scolars ei entusiasmada sch'ella sa observar la metamorfosa da quei animal en stanza da scola. Dapi 1966 stattan ils amfibis sut schurmetg dalla natira. Igl ei aschia scumandau da semplamein prender ova a casa per observar il svilup. Quei fatg vulan nos scolars magari buca veser en. Las experiencias ch'ieu hai fatg muossan ch'ins sto esser dirs en quei grau. Mo paucs affons han il dretg quita e la perseveranza necessaria. Consequentamein van ova, sittolas ni raunettas prest a frusta. Lein pia restrenscher il perscrutar silla scola.


Amfibis en scola

Ils amfibis ein schurmegiai. Aschia astgan ins pigliar e tener quels animals mo per l'instrucziun en scola e quei cun observar strictamein entginas reglas. Per tener si drova ei in vischi da glas. Quel duess esser aschi gronds che mintga sittola ha per ella in miez liter aua. Consequentamein pigliein nus mo il diember adequat a quella pretensiun. Aschiditg sco las sittolas senodan aunc buca libramein midein nus mintga di $\frac{2}{3}$ dall'aua. Silsuenter midein nus mintga dus dis tut l'aua.

Vivonda: Feglia da salata surstada, puorla d'urticlas, tochets carn ni vivonda da pèschs. Buca metter memia bia da magliar ell'aua.

Aschi spert ch'ina sittola ha las combas davon che rumpan atras stuein nus metter in crap ni in lenn el vischi, aschia che la raunetta sa reiver sil schetg. Ussa succeda numnadamein la metamorfosa d'in animal dall'aua tier in animal dalla tiara.


Nossa raunetta ei ussa in animal che maglia mo carn viva. Igl ei aschia fetg grev da nutrir la raunetta. Perquei purtein nus las raunettas anavos el medem puoz, dil qual nus havevan priu l'ova.




Nus eregin in biotop

La riva prolongin nus cun far aschi bia stortas sco pusseivel. Certas parts dalla riva creein nus mo pauc profundas ed ulivas (l'aua sescaulda pli spert!).

Profunditad dil biotop 0,50 m–1,00 m. Il biotop duei – sche pusseivel – posseder inslettas sco era loghens per sezuppar (crappa pli gronda). Controllar ch'il puoz tegni l'aua.





Cumpletescha!

- _____ ein animals dall'aua. Respiraziun entras brantschas. Semovan cugl agid da nudaglias.
- _____ basegnan aria fetg humida. La pial ei niua e posseda fetg biaras glondas. Il svilup ha liug ell'aua.
- _____ vivan per la pli part silla tiara. Il tgiarp ei surtratgs cun in cuirass da squamas. Mettan lur ovs silla tiara.
- _____ han in plemadi. La membra davon ei transformada en alas. Ovan e cuan ora ils ovs.
- _____ possedan in peil. Ils pigns neschan vivs e vegnan tratgs si cun latg.
- _____

Amfibis che vivan en nossas regiuns e lur derasaziun

num	derasaziun geografica
La rauna	
Il rustg	
La quaterpiertga	
Il salamander alpin	

Ina grafica dalla derasaziun dils amfibis ell'atgna vischnaunca porta buca mo ina grondiusa survesta dils biotops existents e lur cussadents, mobein ei el medem mument in bien mied per eventualas cumpletaziuns ellas differentas graficas dil cantun.

Dall'ova alla rauna**3**

datum	maletg	descripziun dil svilup

Explicaziuns:

Rauna

Rustg

Quaterpiertga

Salamander
alpin

Colurescha cun color blaua il svilup che succeda ell'aua, tgietschen leu nua tal schabegia el tgierp matern. Verd colurein nus leu nua ch'igl animal ha concludiu la metamorfosa e viva silla tiara.

Il catsch sin viadi tiel puoz

Il surdiember da mascals
ei fetg gronds (1:5).
Cheu in che lai transportar
sesez tiel puoz.

Il mascal embratscha la
femella davos las combas
davon da quella e smacca
ils polischs ella pial dil
venter.

Il polisch dil mascal pos-
seda vischigias che segire-
schan il setener. La prima-
vera ein quellas vischigias
segirs indezis da differen-
ziar il mascal dalla
femella.

Il grond regl da copulaziun carmala tier fallidas embratschadas

Era tiels rustgs ei il sur-
diember da mascals
gronds. Mova in det ell'aua
ed en cuort s'approxime-
scha in mascal ed embra-
tscha il det cull'idea da
haver anflau ina femella.

En ina fatala situaziun
vegn ina femella sch'ella
vegn embratschada da
plirs mascals (magari
tochen 10). La femella sto
meinsvart stenscher.

In tal satget carmala bein-
gleiti neutier in mascal.
Era cheu secrei el d'esser
en possess d'ina femella.

Il rustg laguota il falien


La preda vegn
fixada.

Gia tacca il falien
vid la lieunga.

Il rustg fiera la
preda culla lieunga
ella gula.

Enten serrar ils
egls laguota il
rustg il falien.

Fuorma mintgamai ina cadeina da nutriment!



Taglia ora e colurescha ils maletgs. Cola las cadeinas da nutriment sin in feagl e descriva endretg ils maletgs. Forsa anflas ti tez ina cadeina da nutriment?

1) Ils amfibis appartegnan al tschep dils

2) Numna ils representants dils amfibis cun cua che vivan en nossas regiuns!

3) Co sas ti distinguer l'ova dalla rauna da quella dil rustg?

4) Da tgei viva la larva dalla rauna?

5) Pertgei drova ina sittola brantschas?

6) Co numnein nus il svilup che la sittola fa atras per darentar ina rauna?

7) Tgei sas ti far per proteger nos amfibis?

8) Numna 4 inimitgs dalla rauna!

Sligiazziuns: Dall'ova alla rauna

datum	maletg	descripziun dil svilup
<u>mars/ avrel</u>		<u>Fin dall'eriadad d'unviern.</u> <u>Viadi tier puozs. Mascals enqueran</u> <u>ina femella (catsch).</u>
<u>?</u>		<u>La rauna metta sia ova en bottas</u> <u>da tochen 3000 ovs.</u> <u>L'ova sescufra immediat.</u>
<u>?</u>		<u>Egl iev fructificau sesviluppescha</u> <u>la larva.</u> <u>Ella viva dil sac nutritiv.</u>
<u>?</u>		<u>Il sac schloppa. La cua da remar</u> <u>e las brantschas exteriuras</u> <u>sefuorman.</u>
<u>?</u>		<u>Brantschas interiuras remplazzan</u> <u>las exteriuras. Organs da senutrir</u> <u>ein sesviluppai.</u>
<u>?</u>		<u>Las combas davos rumpan atras.</u> <u>La cua vegn pli e pli graschla.</u> <u></u>
<u>?</u>		<u>Combas davon rumpan atras. Brantschas</u> <u>internas svaneschan. Il lom</u> <u>sesviluppescha. Ella sto ir a tiara.</u>
<u>sunter 3-4 meins</u>		<u>La cua ei svanida. La metamorfosa</u> <u>ei a fin.</u> <u>La raunetta banduna l'aua.</u>

Explicaziuns:	Rauna	Rustg	Quaterpiertga	Salamander alpin
_____				Il svilup dalla larva succeda durant 2-4 onns cumpleta in el tgiert dalla mumma.

Colurescha cun color blava il svilup che succeda ell'aua, tgietschen leu nua tal schabegia el tgiert matern. Verd colurein nus leu nua ch'igl animal ha concludiu la metamorfosa e viva silla tiara.

Litteratura

- Die Verbreitung der Amphibien im Kanton Graubünden
- U. Frey, K. Grossenbacher und Jürg P. Müller
- Die neue Schulpraxis 1981/82
- Walter Ettmüller: Naturkunde
- Peter Brodmann: Die Amphibien der Schweiz

Seria da dias

- P. Brodmann-Kron
CH-4107 Ettingen

Films 16 mm SAFU

- Die Entwicklung des Amphibieneies nr. 111 15 min.
- Eiteilung und Furchung beim Molch nr. 477F 10 min.
- Am Froschtümpel nr. 961T 13 min.

Adressa: SAFU
Weinbergstrasse 116
8006 Zürich

- 1) Ils amfibis appartegnan al tschep dils

vertebraus

- 2) Numna ils representants dils amfibis cun cua che vivan en nossas regiuns!

quaterpiertga, salamander alpin

- 3) Co sas ti distinguer l'ova dalla rauna da quella dil rustg?

rauna → botta, rustg → corda

- 4) Da tgei viva la larva dalla rauna?

sac nutritiv

- 5) Pertgei drova ina sittola brantschas?

per trer flad

- 6) Co numnein nus il svilup che la sittola fa atras per darentar ina rauna?

metamorfosa

- 7) Tgei sas ti far per proteger nos amfibis?

schar en ruaus, segidar sin lur viadis, proteger ni crear biotops

- 8) Numna 4 inimitgs dalla rauna!

carstgaun, uolps, utschals da rapina, siarp . . .

Dal clavazin a l'orchester

14-05-87, 9.00 emischion
18-05-87, 9.00 repetizion

Sün via

I füss favuraivel, scha'ls scolars cugnu-schessan fingià ils instrumaints da l'orchester. Lura suna buns da s'imaginar almain la fuorma, sch'els dodan il cling. Amo meglder co'ls purtrets agiunts esa natüralmaing sch'inchün ha ün o tsel instrumaint e til po muossar in natüra.

L'emischion voul muossar surtuot il process da l'instrumentaziun. Nus partin da l'original, q.v.d. da la cumposiziun originala per clavazin a cua a quatter mans (Ines Theus e Gertrud Suter-Bühler). Lura vain surtutta l'instrumentaziun vusch per vusch cun exaimpels. Quai pussibilitescha al scolar da seguir pass a pass a l'instrumentaziun.

L'orchester da Cuoir

Quai es ün orchester da musicists da professiun e da laics. Il böt es, da dar a mincha instrumentalist d'ün tschert livel la pussibilità da sunar in ün orchester sinfonic. Plünavant dà l'orchester minch'on almain ün concert plü grond e cuntribuischa quattras bles a la vita culturala da la chapitala e contuorns. Diret vain l'orchester fingià daspö 10 ons da Luzi Müller, magister da musica a Cuoir.

Per quist concert ha l'orchester sinfonic da Cuoir seguainta instrumentaziun:

Flöta pitschna (piccolo), 2 flötas, 2 oboas, 2 clarinetas, 2 fagots, 2 cornu-auds, 2 trumbettas, 3 posaunas, 2 tamburs gronds, 1 tamburun, triangul, cimbels, 10 prumas e 10 seguondas gias, 6 violas, 6 cellos e 3 giüns.

Johannes Brahms

El es nat als 7 da mai 1833 a Hamburg. Seis bap d'eira svesa musicant da professiun – el d'eira bassist – e til ha dat las prumas uras da musica. Fingià cun desch ons ha dat Brahms seis prüms concerts; el d'eira ün uffant mü-ravglius. Fermamaing promovü è'l gnü dal violinist Joseph Joachim e da Robert Schumann.

Davo avoir lavurà ün temp a Detmold sco directur da musica dad üna cuort, è'l tuornà per cuort temp a Hamburg ed es lura i a star dal 1862 a Vienna. Là ha'l vivü surtuot sco cumponist liber e per part sco dirigent. El ha fat blers viadis a l'ester ed ha dat blers concerts, surtuot eir sco interpret da sias aignas cumposiziuns. Il grond cumponist es mort dal 1897.

Dürant ils ons 1852–69 ha cumponü Johannes Brahms 21 «Sots ungarais» per clavazin a quatter mans. L'on 1874 ha instrumentà Brahms svesa ils sots ün, trais e desch per orchester. Davoman sun gnüts «orchestrats» eir ils ulteriurs sots da differents oters cumponists. La società d'orchester da Cuoir ha sunà l'on passà ün pèr da quels sots, il Radio Rumantsch tils ha registrats.

Johannes Brahms



Survista

1400 gotica
1450 renaschentscha
1650 baroc
1750 classicissem
1800 romantica
1850 rom. tardiva

Exaimpel

1. Il clavazin suna sulet la part A


2. La melodia da quista part vain uossa sunada da las oboas (sco ill'instrumentaziun da l'orchester), l'accumpagnamaint vain amo adüna sunà dal clavazin.

3. Listess vain eir fat cul accumpagnamaint (aint il orchester sun quai in quist cas ils instrumaints ad archet chi sunan quia però culs daints, pizzicato).
4. I vain eir muossà la differenza ill'instrumentaziun da la part A (oboas) e da la part B (cornuauds).

5. Instrumentaziun d'üna part «forte» f, il prüm cul clavazin C

Listessa part cul orchester, cumanzà culs instrumaints ad archet fin pro'ls tamburs

Instrumaints ad archet



1. Già/violina

As sviluppa i'l 16avel tschientiner in Italia. L'antecessur da la già d'eira la già veglia (die Fiedel). La già ha quatter cordas chi tunan sùls tuns g (la plü bassa), d, a, e. Las cordas as faja vibrar cun ün archet (5). Il tun vain rinforzà pervia dal corp da resonanza chi'd es our da lain.

2. Viola

S'ha sviluppada sco la già; las cordas sun intunadas üna quinta plü bass (c, g, d, a).


3. Cello

Sviluppà e fabrichà l'istess sco già e viola; l'ur (Zargen) ün pa plü ot in confrunt, il culöz invezza plütost plü cuort. Dürant il temp da baroc gniva dovrà il cello surtuot sco instrumaint continuo (Generalbass). Accordà es il cello ün'octava plü bass co la viola.

4. Giun/contrabass o eir bass

Quai es il plü giuven exemplar da la famiglia dals instrumaints ad archet. Vers il cumanzamaint dal 18avel tschientiner è'l gnü integrà aint il orchester. I's cugnuscha giüns da 4 e da 5 cordas. Els tunan amo ün'octava plü bass co'l cello. Las cordas sun accordadas in quartas (E, A, D, G), pro giüns cun 5 cordas vain amo pro il C bass.

Instrumaints a flà in lain



5. Flöta

Quella as cugnuscha fingià daspö il temp antic. I'l 17avel tschientiner è'la gnüda perfecziunada tecnica- maing in Frantscha. Oriundamaing d'eira fatta la flöta our da lain, hoz our da liamaint d'argient o dad or.

6. Flöta pitschna (Piccolo)

Correspuonda a la flöta, es però plü pitschna e clingia ün'octava plü ot

7. Oboa (Haut bois!)

Medemmamaing ün dals plü vegls instrumaints! Dürant il temp d'immez as cugnuschaiva quist instrumaint sco flöta pasturala (Schalmei). Il bokin es fat cun duos «platins» ün sün tschel (Doppelrohrblatt).




8. Clarinetta

Sviluppada intuorn il 1700. Antecessurs d'eiran las flötas pasturalas. Aint il orchester vain dovrada la clari- netta pür daspö il temp dal classicissem, surtuot però d'ürant il temp da la romantica. Il bokin ha be ün plat.

9. Fagot

Es paraint cull'oboa. Es fat our da duos chonnas missas üna sur tschella. Il bokin dal fagot ha eir duos plats, sco l'oboa.

Instrumaints a flà da tola



10. Trumbetta


I'l temp antic d'eira la trumbetta guliva e fich lunga. I'l 15 e 16avel tschientiner è la gnüda prolungada, lura tilla s'haja storta. Las clappas e'ls ventils as cugnuscha pür daspö il 1800. Tuot tenor quant lunga cha la chonna es, as disferenzchescha trumbettas in C, B o in F. Il tun as fuorma culs lefs, e nüglia cun platins sco pro la clarinetta.

11. Cornuaud (Horn, Waldhorn)


Il cornuaud s'ha fuormà dal corn da chatscha (17avel tschientiner). Il cling es plü lom co quel da la trumbetta. Daspö il temp dal classicissem es rapreschantà il cornuaud plü o main adüna aint il orchester.

12. Posauna

Quellas nun han ingüns ventils sco las trumbettas. Duos chonnas, üna aint in tschella, fan chi's po prolungar e far gnir plü cuort il viadi da l'ajer chi va tras l'instrumaint. Uschea as poja variar l'otezza dal tun. Il cling da la posauna es fich festiv. La posauna es gnüda sviluppada i'l 15avel tschientiner. Daspö il 17avel vain'la dovrada in operas e surtuot per musica da baselgia, daspö Beethoven eir in orchesters sinfonics.



13



14



15



16

13. Tambur grond (Kesselpauke)

Üna «chaldra» chi'd es surtratta cun pel o cun pel artificiala! I's po variar l'otezza dal tun cun stender (plü ot) o cun schlockiar (plü bass) la pel. L'instrument vain dovrà aint il orchester surtuot sco pozza d'armonisaziun. Bleras jadas as dovra 2 o amo daplüs tamburs gronds.

14. Tamburun (grosse Pauke)

Corp da resonanza in fuorma da cilinder, da tuottas duos varts surtrat cun pel. Otezza dal tun na defini. Vain dovrà surtuot sco instrument ritmic o sco instrument d'effet (Effektinstrument).

15. Cimbels (Becken)

Quai es ün plat da latun chi'd es combel immez. Obain chi's splatta duos cimbels ün cunter tschel, o lura chi's dà cun ün sunader da tambur (Paukenschlegel) lasura. Cling penetrant! Vain dovrà sco instrument d'effet.


16. Triangul

Quai es üna bachetta d'atschal storta duos jadas. Cun üna pitschna bachetta d'atschal as batta sül triangul, quai dà ün cling fich cler. Sco il tamburun e'l cimbels vain dovrà eir quist instrument pür daspö il temp romantic aint il orchester sinfonic.

Luzi Müller/trad. MS

Orchester sinfonic

Uschea incirca es miss sü l'orchester sinfonic cha vus dudivat.



4 (156) 47 **C** Poco più animato

Kl. Fl.
Fl.
Ob.
Klar. (B)
Fag.
Hr. (D)
Hr. (F)
Trpt. (D)
Pk.
Gr. Tr.
Beck.
1. Viol.
2. Viol.
Br.
Vcl.
K.-B.

C Poco più animato

L'ava è igl sanc da nossa tera

04-06-87, 9.00 emissiung
15-06-87, 9.00 repetiziun

L'idea per chest'emissiun è nascheida d'en text tg'am ò fascino talmaintg. «Nous ischan ena part dalla tera. La tera è nossa mamma. E l'ava è igl sanc da nossa mamma.» Chegl dei igl manader indian Seattle an en pled. la va sgarschour da pansar scu tgi nous trat-tagn chest sanc. Schi nous lagn surveiver sen chest mond, stuainsa midar noss pansar ed ager. E nous stuagn cunzont mussar a noss unfants tgi nous na possedagn betg la tera. Nous ischan ena part dad ella e chegl tgi attatgescha ella, attatgescha er nous. Igl è neir taimp!

Preparaziun per l'emissiun

Chest'emissiun tracta igl tema ava cunzont dalla vart **emoziunala**. Ella less sensibilisar igl scolar ed igl appellar agl problem dall'ava. L'emissiun so an-gal contanscher en effect sch'ella vign preparada an scola.


- Nous ischan ena part dalla tera
Chest idea digls indians accumpogna l'emissiun scu en feil cotschen. Igl è inevitabel tg'igl scolast rachinta da chest indian Seattle e sies pievel. La lectura tiers porscha agl scolar la pussebladad da sa confrontar cun che-sta moda da pansar tg'è schi diversa a la nossa.
- Viadi da fantascheia
Chest viadi è en gi tgi vala sieiramaintg d'experimentar. Chest viadi è sieir ena bunga e bela variaziun an la stanza da scola.

Igl pled digl manader indian Seattle

Nous ischan ena part dalla tera

Igl pled digl manader indian Seattle agl president digls stadis unias da l'Ame-rica, igl onn 1855.

Igl onn 1855 fò igl president da l'Ame-rica la proposta agls indians Duwamish da vender lour tarragn agls colonists alvs, els sez dessan midar lour dimora an en reservat. Igl indians tgapeschan betg chegl. Scu ins po cumprar ni ven-der tarragn? Tenor lour idea so igl carstgang betg posseder la tera, schi pac scu el so posseder igl tschiel, la frestgadam da l'aria, la targlischour da l'ava. Chief Seattle, igl manader digls Duwamish ò raspundia da lez taimp agl «grond manader digls alvs». Oz, 130 onns pi tard ans partotga chest pled scu anc mai, en pled tg'è amplania da sa-bientscha e critica ed ena speranza modesta. «Igl mies plets èn scu stei-las, els von betg darandia», dei Chief Seattle. Igl sies pievel ò betg survivia, igls sies plets nign tg'ò santia. Niron nous ad igls santeir? Niron nous a sur-veiver?




Viadi da fantascheia

Chest'idea vaia experimento avant en onn cun scholars primars. Igl success è sto immens grond. Igl scolar duess amprar da s'identifitgier cun l'ava. Cun chesta identificaziun crescha sia tga-pientscha pigls problems da l'ava. El ò alloura betg angal **santia** tg'ins duess betg tschuffargner l'ava, mabagn el ò er **resantia** chegl an sia fantascheia cun sies antier corp. Igl viadi da fantascheia sa cumpona da dus parts. L'amprema part descrieva l'ava libra e sobra. Igl scolar s'imaginescha igls plets digl scolast. El sez è l'ava libra e cuntainta. El resainta tge belezza tgi chegl è per l'ava dad esser an sies ele-maint. La sagonda part descrieva igl cuntrari. L'ava vign impideida an sia veia. Ella stò suandar canalisaziuns. Ella vign er tschuffargneda. Per part ò'la da purtar tant teissa, tg'igls peschs son mianc ple veiver an ella. Igl scolar tgapescha forse en zichel tge terribel donn tg'igl carstgang fò alla tera. El è an chesta fantascheia sez ava ed an chella maniera evenimenttescha el scu l'ava.

Igl procedimaint: igls scholars sesan ni schean an ena posiziun amparnevia. Els seran igls îgls e suondan igls plets digl scolast/a. An lour fantascheia amprovan els da s'imaginar igls maletgs tg'igl scolast descrieva. L'atmosfera an stanza duess esser quieta e prest devoziouosa. Igl suandont text è ena proposta. Igl scolast ò la pussebladad da variar igl text, da rachintar an sies agens plets. La vouch digl scolast corresponda agl text, el preligia ni rachinta plang, cun pössas, uscheia ò igl scolar la pussebladad da s'imaginar igls maletgs e da veiver ainten els. Siva l'amprema part gio, ni alla fegn digl viadi suonda ena discussiun. Igl scolar rapporta **scu e tge** tg'el ò evenimento. Forse egl er interessant da san-teir scu tgi chest'idea igls ò plaschia.



La circulaziun da l'ava




TEXT 1

Cloda igls igls e respeira quiet, quiet – Te ist ava, giu fons an ena pizza. Te ta rimnas cun otr'ava. La tia veia magna vers igl cler. Ossa ist però anc an la stgiraglia. Tera e crepla freida circumdeschan tè. Te ist clera e frestga. Da gliunsch tgittas te igl cler digl de.

Te ta legras sen tia veia, ena veia an igl nunancunaschaint. Ossa, tot anetg, clarità. Te ist sorteida digl stgeir dalla tera e veist la bellezza digl de. Te ta fermas anc en'urela an la funtanga. Te sgargoglias cun igls ties cumpogns e gioldas igls radis suglegl tgi fon targlischeir mintga guttella. A tè èn suandos igls ties cumpogns. Er els on bramo igl cler. Ossa at stompligl agl our dalla funtanga. Cò scumainza ensatge a trer oragiu. Te roclas e corras dad en crap tar l'oter. Adeгна anavant, en gi sainza pòss e sainza fegn. Mintgatant crodas giu d'ena pitschna cascada. Ui, tge sentimaint da sgular e plampf ist ta platgeda ainten igl bogl. Cò giras en per gia anturn tatez, anfignen tgi te ist mez sturna e siva puspe anavant. Unfants tgi gioian sper l'ava sa legran da voss gi. En paster terla voss murmurar e tgeira sies movel. Mintgatant corrast an ena spertezza, tot furibund. Te ast betg peda da vurdar anturn. Spert, dad en crap tar l'oter, uscheia spert tgi scumainza a far stgema. Pover chel tgi croda ossa an tias greflas! Chel è pers, te igl steiras giuadaint, adeгна anavant cun tè. Or da mintga valetta vignan otras avas notiers. Igl ual crescha e crescha e giudem la val s'unescha'l cun igl ragn dalla gronda val. Per furte-gna dattigl er passagis pi quiets. Al-loura corrast patgificamaintg e cumadevlamaintg, te ast taimp d'observar igl conturn. Te veist gòts e pradas, animals tgi pasculeschan ed igls carstgangs tgi suondan lour de. Els sa ranforzan da tia frestgadatad.

Te passas tgavorgias e vischnancas. Te saleidas igls peschs e tot igls animals da l'ava tgi abiteschan an ties letg. Tot anetg fragna ensatge ties viadi, igl ragn davainta veapi lartg, e davant tè è gio imens bler ava. Ma tge è chegl? Ah, en lai! La tia amprema gronda pòssa sen ties lung viadi. Ma digl tot quietta na ist er betg a cò. Igl vent muainta tè, mintgatant angal levign e mintgatant mecta furious. Al-loura sa muainta gl'antier lai, ondas creschan e sbattan cunter la riva. Da bel'ora gioven e vigl sa legra da tia preschentscha – eir a spass sper la riva, sa nudar, eir cun bartga – tge daletg. Siva ena lunga lunga pòssa t'accorschas tgi te ist rivada alla fegna digl lai. Ensatge at teira puspe anavant. Cun plascheir cuntinueschast ties viadi. Igl flem crescha e crescha, el davainta veapi pussant. An en cuntign at vischineschast a tia fegnameira – la mar.




TEXT 2

la canosch però er oters viadis. Turnagn puspe orase a la funtanga. L'ava scumainza sies viadi cun plascheir. Te gioldas chest gi dad en crap tar l'oter. Però tot anetg en grond giatter da fer! Te crodas e crodas giuadaint an en foss. Ma tge è chegl? Puspe stgiraglia? Strousch vevast cuntanschia la cleritad digl de, stost puspe esser giufons. Te ast da passar ena galereia stgeira. Tge lung e lungurous viadi!

Nign gi ple, angal sa lascher stumplar anavant ed anavant. Te sortas dalla galereia e crodas an en lai. Ma chest lai veiva betg scu oters lais. El è scu mort. I dat bagn er cò peschs. Ma segl fundamaint digl lai creschan nignas ervas da l'ava. Schi te vardas bagn, veist a l'ò schitgas da pegns tarros. Ossa surtratg cun lozza greischa e neira. Alla fegn digl lai vogl betg anavant. Cò è nign ragn, tgi scumainza puspe sies viadi. Cò è en grond meir da beton. Te sast pitgier e stumplar chest meir. Te igl sast supplitgier: «Vea, am lascha passar, ia less cuntinuar mies viadi!» Ma el terla betg ties plets. Imposant e freid resista el agl ties giaveisch. Te spetgas an chest lai e sast betg tge. Eneda, anetgamaintg, ensatge at teira giuadaint, giuadaint segl fons digl lai. L'ò è sa daverta ena gronda bucca neira. Chella at tschitscha giuadaint e te ist puspe an ena galereia freida e stgeira. Chest'eda vogl pi spert. Oragiu, oragiu an ena spertezza, adegna stgeir e

strètg. Te creist dad esser segl viadi giugl unfiern. E giudem ast da muntar ena fitg gronda roda cun palas da fer. Ma te strousch t'accorschas chegl, te ist tot balurda da chesta cursa a val e siva vignst puspe spidada an en letg d'en ragn. Ma tge ragn è chegl? Cun uscheia pac'ava? Te cuntinueschas igl ties viadi, ma cun pac plascheir. Tranter la gronda crappa digl letg corra en dotg. Ensatge at mantga. Te ta saintas suletta. Te sast betg ple sgurgagler, sprizzar e far stgema. Schi te passas vischnancas, vignst tschuffargneda. Te ast da purtar cun tè tot la roba, tg'igls carstgangs pattan ainten tè, pattitsch, polvra da lavar, shampo. Te perdas tia sobradad e frestgadat. Te stanschas prest an chest tschof, tgi te ast da piglier cun tè. Igls carstgangs sa legran betg ple da pudeir veir tè. Els on en disgost da beber tè ni da sa nudar ainten tè. Mintgatant vignst manada tras sere-neras. Chegl geida bagn en zichel. Ma pi a val ast puspe da passar fabricas. Dascous vign patto ainten tè chemica-lias e teissas. Te ist malsanga. Igls peschs moran ainten tè. Uscheia tschoffa ist neida. Te cuntinueschas ties viadi vers la mar. Ma er l'ò at spetgan noschas tgossas – accidents dad ieli, amprovas atomaras. Noua niro chegl a fittar? Te sast betg ta gidar. Te sast angal sperar tg'igl carstgang meida sia idea e sies ager. Sch'igl è betg gio mengia tard.



Igl pled digl manader indian Seattle

. . . Scu ins so vender ni cumprar igl tschiel – ni igl tgod dalla tera? Chest'idea ans è estra. Schi nous na possedagn betg la frestgadam dall'aria e la targlischour da l'ava – scu lez vous la cumprar? . . .

Igls morts ambleidan mai chesta tera marvegliosa, partge ella è la mamma digl om cotschen. Nous ischan ena part dalla tera ed ella è ena part da nous. Las flours savurousas èn nossas soras, igls capriols, igl tgal, igl sprer grond èn noss frars . . . la tera è nossa mamma e l'ava è igl sanc da nossa mamma. Ava targlischonta tgi sa mova an uals e ragns è betg angal ava – mabagn igl sanc da noss babungs. Schi nous az vandagn igl tarragn schi stuez saveir, tg'el è sontg e tgi mintga reflex ainten l'ava clera digls lais rachinta istorgias ed evenimaints dalla veta digl mies pievel. Igl murmurar da l'ava è la vusch da mies pardavants. Igls flems èn noss frars – els dostan nossa seid. Igls flems portan noss canus e nutreschan noss unfants. Musse a voss unfants chegl tgi nous mussagn a noss unfants: la tera è nossa mamma. Chegl tgi attatga la tera, attatga er igls fegls dalla tera. Schi carstgangs speidan sen tera, speidan els sen sasez. Parchegl tgi nous savagn: la tera totga betg agls carstgangs, igl carstgang totga alla tera – chegl savainsa. Tot è unia, scu igl sanc, tgi unescha ena famiglia . . .

